

皇朝文鑑

三



416

皇朝文鑑卷第三十六

制

除皇伯宗暉淮康軍節度使特封濮國公

制

鄧 潤甫

立皇太子制

鄧 潤甫

封荆王顯太傅武寧鎮海軍節度使制

鄧 潤甫

除皇弟僖武成軍節度使祁國公制

鄧 潤甫

除司馬光左僕射制

鄧 潤甫

除文彥博平章軍國重事制

鄧 潤甫

除呂公著右僕射制

鄧 潤甫

除呂公著守司空同平章軍國事制

蘇 軾

除呂大防守尚書左僕射制

蘇 軾

除范純仁尚書右僕射制

蘇 軾

除苗授武泰軍節度使充殿前副都指揮

使制

蘇 軾

除皇伯祖宗晟特起復制 蘇 軾

西蕃邈川首領阿里骨加食邑制

蘇 軾

劉昌祚加恩制

蘇 軾

除文彥博太師河東節度使致仕制

蘇 軾

除文彥博司徒判河南制

曾 布

除范純仁觀文殿大學士知穎昌府制

曾 布

立皇后孟氏制

梁 燾

徐王改封冀王制

范 祖禹

除向宗良檢校司空充醴泉觀使昭信軍

節度使制

范 祖禹

除皇弟蔡王似保平鎮安軍節度使制

范 祖禹

除曾布右僕射制

范 祖禹

復元祐皇后制

蔡 京

蔡京降太子少保致仕制

張 闓

除皇伯宗暉依前檢校右散騎常侍充

淮康軍節度使特封濮國公加食邑食

實封餘如故制

鄧 潤甫

傳傳尚親先王未之或改折衝授鉞天下所以久
安者惟尊屬之賢蚤有皇支之譽其數褒律以告
治廷皇伯邕州管内觀察使金紫光祿大夫校
右散騎常侍持節邕州諸軍事邕州刺史兼御史
大夫上柱國天水郡開國公宗暉器宇闊深履尚
方重詩書自樂慕漢郎宗英之聞孝友夙成有濮
園天性之愛爵隆而無負貴之累祿富而懷約己
之風陞拜廉車之崇益增公族之重是用瞻庸蹟
等辨域展圖付名部之整軍奉賢王之明祀維褒
及繡視上公之儀錫山與田壯元戎之寄兼陪真
賦庸示寵章於戲親親主恩非異數無以昭其意
繼繼在德惟訓嗣可以孚于休更恢遠猷以稱茂
渥

立皇太子制

鄧 潤甫

建儲非以私親蓋明萬世之統主器莫若長子茲
本百王之謀朕荷天地之況臨席祖宗之詒烝迺
朕上嗣之貴蚤應前星之祥宜告大廷誕揚乎號
皇子彰武軍節度使延州管内觀察處置等使檢
校太尉開府儀同三司持節都督延州諸軍事延

州刺史上柱國延安郡王^{唐宗}溫文日就睿智夙
成回駢道之車能止班輪之驚辨南陽之蹟允符
東海之休自䟽錫於王封益光華於德望勝衣視
膳溫然孝友之姿好禮受經不煩師傳之誨是用
歷盛陽之嘉日舉 列聖之大章肇正青宮肆放
顯冊以協離明之吉以係天下之心於戲立愛始
親商以成千歲之業建嗣必子漢以撫四海之民
斯為永圖往膺徽典

封荆王顥太傅武寧鎮海節度使制

鄧 潤甫

朕罹國大憂紹天明命黃陵玉座永懷復上之深
清廟朱紱序陟寧神之禮哀恫罔極感慕從中念
宗藩尊屬之賢有 文考同生之愛圖功甚茂送
往良勤數告大廷肆放顯冊皇叔武昌武安等軍
節度鄂州潭州管内觀察處置等使守太保開府
儀同三司持節都督鄂州潭州諸軍事鄂州潭州
刺史上柱國荆王賜贊拜不名顯身端而行治識
遠而量夷地則茂親時惟名德翼戴王室雅有二
南之風表儀宗枝獨包兩獻之學協策廟社乃心
朝廷昨朕承兆疇勞錫命屬緝 裕陵之禮遠護

靈駕之行事有感懷義當褒異是用進以官班之
等寵以帝傳之崇出節徐郊建麾青社以應采菽
來朝之賜以慰棠棣孔懷之情於戲詩美太宗是
爲四國之翰禮尊叔父固曰一人之嘉往服龍光
益膺福祉

除皇弟僖武成軍節度使祁國公制

鄧 潤甫

朕奉承燕謀獲紹大統永懷 先烈昌勝哀疚之
情眷顧同生宜厚褒封之典予我明命揚于治廷
皇弟僖岐嶷得於自然溫文見於異稟挾天材之
美質應帝武之嘉祥未臨射矣之辰遽起號弓之
慕踰年於此錫壤惟時埒周人尚親尤重本支之
務漢廷左戚亦隆襁褓之封規裁半楚之疆載徹
濱河之域宜茅制社授鉞殿邦用建上公尹茲北
國策勲加等衍邑實租於戲西望 裕陵敢忘幼
子之愛東朝長信進預諸孫之遊往服恩輝益延
壽祉

除司馬光左僕射制 鄧 潤甫

帥羣臣宿道而嚮方在慎取相佐王者修政而美
國莫若求人顧惟眇躬獲嗣大統儲思業業不敢

忘六聖之休注意賢賢將以總萬方之儉褒進上
宰數告外庭正議大夫守門下侍郎司馬光受材
高明履道醇固智足以任天下之重學足以知先
王之言逮事厚隆備儀侍從之列被遇 文考權
總樞機之繁有大臣特立之風諸君子難進之節
方了訪落之始起應東均之求調娛萬幾必先教
化之意辨察百職不失禮義之中是用諮諏僉言
褒加異數越附左揆之路兼峻東臺之班中行美
田陪 名 真食於戲上寅亮於天心則陰陽風雨
以之順下遂守於物理則山川草木以之寧內阜
安於北民外鎮撫於四裔蓋輔相者爲之基柱而
老成者重於典刑勉行所聞以底極治

除文彥博平章軍國重事制

鄧 潤甫

師傳道之教訓先王所以迪厥官老成重以典刑
天下所以資其智迺眷舊德時謂元勳謀合祖宗
之心名載鼎彝之器申放贊策播告外朝河東節
度管内觀察處置等使守太師開府儀同三司太
原尹致仕上柱國潞國公文彥博 御名 大而清明
方嚴而信厚出則秉乎旄鉞入則終我鈞衡文武

兼備其子夷險能致其力畢公之弼四世三紀于茲傳說之總百官萬邦其又爵隆無富溢之累名遂有身退之榮神明相其壽康人心想其風采是用還之論道倚以經邦以帝者之師臣謀議廟堂之上以天下之大老制馭夷狄之情庶幾有爲底于極治陪光宗多升申衍眞封於戲呂望惟賢起佐文王之治周公已老留爲孺子之師矧我耆英無愧前哲往宣一德用格多盤

除呂公著右僕射制

鄧

淵甫

國莫難於置相君莫重於知人堯舜之隆蓋以疇咨而熙載商周之盛至以夢卜而求賢天降劄于我家子未堪於多難思用耆德交秉政鈞其數寵章以詔羣辟金紫光祿大夫門下侍郎上柱國東平郡開國公呂公著行應儀表學通本原忠義得於天資功名自其世美被遇先帝嘗入贊於樞庭暨予冲人遂同寅於政路傳經意以謀國體推上澤以紓民心叙收傷賢補苴法度方重不倚雅有大臣之風調娛適中遂通當時之務是用陞之右揆委以繁機申衍爰田陪光宗眞賦爾則代天而理物子則羞者以惟君於戲丞相之位未嘗無

其人儒者之效久不白於世孟軻言無有者數百歲揚雄稱自得者二三臣蓋迪遠業者其功難循迹迹者其力易勉行所學以底不平

除呂公著守司空同平章軍國事制

蘇軾

仁莫大於求舊智莫良於用衆既得天下之大老披將安歸以至國人皆曰賢夫然後用今朕一舉仁智在焉宜告治朝以乎大號金紫光祿大夫守尚書右僕射兼中書侍郎上柱國東平郡開國公呂公著訐謨經遠精識造微非堯舜不談昔聞其語以社稷爲悅今見其心三年有成百揆時叙維乃烈考相子昭陵蓋清淨以寧民亦勞謙而得士凡我儀刑之老多其賓客之餘在武丁時雖莫追於前烈作召公考固無異於象賢而乃屢貢封章力求退避朕重失此三益之友而閔勞以萬幾之煩是用還平土之司釋文昌之任毋廢議論時遊廟堂於戲大事雖咨於房喬非如晦莫能果斷重德無逾於郭今而裴度亦寄安危罔俾斯人事美唐世

除呂大防太中大夫守尚書左僕射兼

門下侍郎制

蘇軾

朕聞天子有道其德不可得而名輔相有德其才不可得而見故漢之文景紀無可書之事唐之房杜傳無可載之勲當時安榮後世稱頌子欲清心而省事不求智名與勇功天維顯思將啓承平之運民亦勞止願聞休息之期眷子元臣咸有一德咨爾百辟明聽朕言中大夫守中書侍郎上柱國汝南郡開國公賜紫金魚袋呂大防造道淳深受才宏毅果毅以達有孔門三子之風直大而方得坤爻六二之動久踐右閭蔚為名臣宜陞左輔之崇兼綜東臺之務加賦進秩寵數益隆得位與時憂責彌重於戲若古有訓無競維人崔公建中之風以除吏八百而致裴垕元和之政以薦士三十而能惟公乃心何遠之有

除范純仁太中大夫守尚書右僕射兼

中書侍郎制

蘇軾

朕惟朝廷之盛衰常以輔相為輕重若根本疆圉則精神折衝故薦呂臣奉己而不在民則晉文無復憂色汲長孺直諫而守死節則淮南為之寢謀朕思得其人付之以政使天下聞風而心服則人主

無為而日尊咨爾在廷咸聽朕命中大夫同知樞密院事上柱國高平縣開國伯賜紫金魚袋范純仁器遠任重才周識明進如孟子之敬王退若蕭生之憂國朕覽觀仁祖之遺迹永懷慶曆之元臣強諫不忘喜臧孫之有後或公是似命召虎以來宣雖兵政之與聞疑遠猷之未究坐論西省進貳文昌增秩益封兼隆異數於戲時難得而易失民難安而易危子欲守在四夷以汝為偃兵之姚宋子欲藏於百姓以汝為息民之蕭曹勉思古人以稱朕意

除苗授武泰州軍節度使充殿前副都

蘇軾

指揮使制

出總元戎作先聲於士氣入為環尹寓軍政於國容將伸聞外之威以迪師中之言咨子爾眾朕得其人侍衛親軍步軍副都指揮使威武軍節度觀察留後持節福州軍州事福州刺史上柱國濟南郡開國公苗授早以異材見稱武略被服忠義有烈丈夫之風砥礪廉隅得士君子之榮梓揚邊圉益著勞能拔自眾久既蒙先帝之遇遂拜大將無復一軍之驚祗扈殿嚴肅將齎鉞子欲少長有

禮而兵可用汝其夙夜在公而令必行於戲愛克厥威罔功茲爲深戒師衆以順爲武古有成言惟懋乃衷毋忘朕訓

除皇伯祖宗晟特起復制

蘇軾

曾聞之哀喪不貳事漢唐之舊禮有奪情矧子藩屏之親實兼臣子之重雖閨門以恩掩義而公侯以國爲家伯臣司宗職不可曠要經服事古有成言非子爾私其聽朕命皇伯祖彰化軍節度涇州管内觀察處置等使檢校司空開府儀同三司持節涇州諸軍事涇州刺史判大宗正事上柱國高靈郡王宗晟天資純茂德履方嚴襲餘慶於祖宗蹈格言於師保典司屬籍克有令名郅客卒業於浮丘辟疆受知於先帝允釐厥位母愧昔人屬此閨凶累然毀瘠嗟日月之逾邁重職業之夙虛宜復寵名式從權制於戲出居官次非王事不談退適倚廬讀喪祭之禮則忠孝兩得人無間言功名益隆親有顯譽勉服朕訓光昭前聞

西蕃邈川首領阿里骨加食邑制

蘇頌

祭有十倫之義施爵賞以爲先福者百順之名本忠孝之自出朕祇被陽館崇嚴禰宮配神宵昊之尊流澤幅員之廣嘉與卿士同茲慶休便蕃優渥之恩固無內外之異告于朝案布乃言綸西蕃邈川首領河西軍節度涼州管内觀察處置押蕃落等使金紫光祿大夫檢校太保持節涼州諸軍事涼州刺史上柱國寧塞郡開國公阿里骨生有軼材少負偉略稟天地之義氣得秦豳之遺風莫塞外之封疆繼承列土擁河西之旄鉞坐護諸羌長雄一方作我西屏屬九筵之講禮盛四海之駿奔來獻其琛實相予祀是用加命王公之數視秩帝傳之崇增井賦於爰田廣國租於眞食於戲爾有時享歲貢之恪史不絕書我有殷神觀政之方惠必及下既均承於純嘏宜益屬於忠規往服訓言克享天祿

劉昌祚加恩制

蘇轍

朕因路寢之正舉合宮之祠禮樂法商周之隆車服兼漢唐之盛出款原廟還享上穹職貢充庭工師履位兵衛如植旌旆不煩實惟有人以克成禮殿前副都指揮使武康軍節度洋州管内觀察處

置等使持節洋州諸軍事洋州刺史上柱國彭城
郡開國侯劉昌祚天安勳勇性本忠良結髮征羌
號馬上之飛將授鉞臨塞皆關中之要區方西鄙
之須村會中軍之謀帥畀之旄節之重付之貔虎
之師歸閱浹旬旋聞輯睦速此熙成之慶賴其宿
衛之勤既增封爵之崇仍加眞食之厚於戲古之
明主立賞以待有功古之賢將有功而恥自列服
子需澤之異勉爾勲名之思貴當益恭老當益壯

除文彦博太師河東節度使致仕制

蘇轍

周公未嘗之魯老亦居豐留侯晚雖疆食終不任
事蓋妻寄之重初無間然而止足之風所不敢廢
惟我耆舊歷事祖宗績服之初復命以拉雖師
保之地優佚不煩而立焚之心朝夕以請布告在
位俾聞高風太師平章軍國重事上柱國潞國公
文彦博克孝而忠允文且武其在師旅有方召之
勲其在朝廷有榮環之業士民視其去就夷狄震
其威名時更四朝躬蹈一節先皇帝暨勞以事
既許其歸越子訪落之年凜有涉淵之志起之既
老待以仰成出入五年終始全德進而論道日聞

典訓之言倚以折衝卒靖邊防之憂言委成功而不
處指莫景以求安勤請屢聞誠心莫奪願瞻閭井
近在洛師郭氏有永巷之嚴裝公有綠野之勝豈
以簪紱之累久致形氣之勞貴極上公既無復加
之爵秩分領全晉仍畀久還之節旄增廣舊封益
衍眞食殫盡人臣之寵歸於父老之遊於戲音聲
不遐尚有就問之禮几杖以俟復期親祀之陪勿
以進退之殊而廢謀猷之告式燕且譽俾壽而康

文彦博司徒判河南制 曾布

秉國大均絕席廟堂之上經時常武運籌樽俎之
閒維吾老成多所更踐應辭幾務往殿近藩敷告
于廷進疇厥位推忠協謀崇仁同德經邦贊治守
正保運亮節佐理功臣樞密使劍南西川節度管
內觀察使處置橋道等使開府儀同三司守司空
檢校太師兼侍中兼羣牧制置使行成都尹上柱
國潞國公文彦博器資宏偉智謀靖深逮事祖
宗各登丞相周旋左右當四海之具瞻密勿振機
實萬邦之爲憲肆子續御屬在倚毗深惟注意之
勤勉拘均勞之請眷言耆哲其所履崇增秩上公
衍封眞賦光華故里揭全晉之旌旄偃息名城壯

陪京之屏翰出入中外始終顯榮於戲進而論道經邦則必告嘉猷于后退而承流宣化則必下膏澤於民惟往欽哉尚多受祉

除范純仁觀文殿大學士知穎昌府制

曾布

謀謨廟堂入則股肱於大政偃息藩翰出則師帥於一方維時宗工引疾辭位均逸近輔敷告大庭通議大夫守尚書左僕射兼中書侍郎上柱國廣平郡開國公范純仁端良稟於世資樂易成於天性有砥名厲行之志有面折廷爭之風越自累朝浸更華選聲沖人之嗣服適文母之仰成咨于臣鄰付以宥審一踐樞要再秉國均朕恭己紹庭嚮明圖治緝熙緒業追適先猷方有望於弼諧遽固辭於機務重違爾志姑即厥安增視秩之榮名進陪封之寵數式隆體貌何吝眷私於戲論道經邦常在倚毗之地承流宣化勿忘勵翼之心祇服朕言往共爾位

立皇后孟氏制

梁燾

正家者義之先天下從而定矣大昏者禮之本聖王所以重焉朕繼體持盈側身思永方切基圖之

固敢娛官室之宴太母以萬世為心命虔宗事之重大臣以兩極陳義請建坤儀之尊謂王道之所由興故人倫之始不可緩明揚德閭之懿簡在慈闈之公欽承溫詔之音俾正中宮之位載錫吉日敷告大庭故侍衛親軍馬軍都虞候眉州防禦使贈太師孟元孫女忠孝令門善慶奕世幽閑專靜藹聞和聲婉睦惠慈雅應柔則天作之合文定厥祥人謀協從龜告并吉是宜入聽內職輔宣外和式瞻禕翟之章上直軒龍之象嘉典大備並行今古之情文盛德有開增美國家之治理於戲惟恭儉為富貴之守惟憂勤為康樂之資如關雎之進賢則可以基風化之成如摅木之逮下則可以將福履之盛用久乃濟匪初其難勉爾欽修以法三宮之端一相子顯祀以崇七廟之清明垂光紫庭襲譽彤管可立為皇后

徐王改封冀王制

范祖禹

周尊公旦倚為四輔之師漢重王蒼位處二公之上及我仁祖加禮荆王顧惟沖人敢後叔父誕敷明命播告治廷皇叔永興鳳翔等軍節度管内觀察處置等使守太尉開府儀同三司雍州牧兼

鳳翔牧上柱國徐王賜詔書不名顯粟訓英皇
同氣神考仁義根于天性孝友冠于人倫昔在先朝蚤膺異數迨宣右九年之政無愛子一毫之私追惟崇慶之功罔極昊天之報方畢太官之祔饗莫先等屬之環嘉是用登拜師垣仍聯使節徹彼徐土受茲冀方內整皇家外綏侯服進陪多賦衍食真封於戲並建親賢實為社稷之衛益殲藩屏用承祖考之休往膺典冊之光永介壽祺之社式昭令德無愧前人

除向宗良檢校司空充醴泉觀使昭信軍節度使制

曾肇

昔周盛世則有申伯之良翰在漢懿親則有少君之長者眷吾仲舅蚤著賢稱登進寵名誕敷詔號醴泉觀使奉國軍節度明州管内觀察處置等使持節明州諸軍事明州刺史上護軍河內郡開國公向宗良席慶深厚秉德粹溫富貴無自滿之心恭孝有夙成之質肆朕承祧之始首膺授鉞之榮茲屬東朝亟還大政念崇德報功之誼將錫異恩守右賢左戚之規莫回慈旨換節瀕江之地參華空土之名增衍戶租併申朕志於戲維我太母有

勞皇家方其艱虞則出任社稷之重及底康靖則還就宮闈之安動靜必惟其時進退靡失其正而猶鑒觀前載深抑外親爾其念長樂之好謙思文簡之垂裕益堅素履永保令名

除皇弟似守太保依前開府儀同三司蔡王充保平鎮安等軍節度使制

曾肇

朕惟本朝之制厚公族之恩列第京師不忍使之去國兼榮將相未嘗責以治民豈惟致光宗叙之仁抑亦隆夾輔之勢矧吾寵弟實員位真王念方屬於妙齡將即安於外邸雖去密邇能不疚懷肆舉徵章用予羣聽皇弟武昌武成等軍節度鄂州滑州管内觀察處置等使守司徒開府儀同三司持節都督鄂州滑州諸軍事鄂州滑州刺史上柱國蔡王似出神明之胄鍾稟祝之祥氣稟溫良生知遜悌推愛圖書之習夙堅忠孝之誠桐葉疏封已侈盤維之寄棣華致好每光宗和樂之私比遵朝著之趨尚處宮闈之邃屢觀啓奏祈避禁嚴志雖莫回情實未忍恩在宗之誼豈忘原隰之哀顧開府以時難廢國家之典迺蠲殺且增峻官儀更兩

鎮之節旄正三師之位叙兼陪并賦益壯宗藩於
戲周諱孟侯則曰無康好逸漢詔諸子亦去無適
宵人蓋位不期驕者人情之常寵至益戒者前哲
所尚往服休命永綏令名

除曾布右僕射制

曾肇

左右置相以總吾喉舌之司東西分臺以幹我鈞
衡之任居中如鼎足之時承上若台符之聯相須
而成闕一不可適登次輔以告大廷左光祿大夫
知樞密院事上柱國魯郡開國公曾布敏識造微
懿文貫道器周小大之用智適古今之宜被神
考特達之知亟躋禁從膺先朝倚注之重久執
事樞而能悉心公家宣力夙夜忠以迪上誼不辭
難憂勤百爲壯老一節肆朕纂臨之始尤嘉翼戴
之勞參稽師言圖任舊德文昌端揆之列紫微陪
侍之班合茲寵名作我近弼仍遷階品增衍戶封
於戲朕有休息百姓之心汝則親文而匿武朕有
綜覈庶工之志汝則務實而去華以至甄序材良
光宗名獎正直澄清風俗振肅紀綱使萬物各得其
平無一夫或失其所汝之職也尚往欽哉

復元祐皇后制

京

朕紹休 列聖承訓東朝施惠行仁既誕乎於有
衆念今追往用光宗叙於我家廢后孟氏頃自歎
門嬪于王室得罪 先帝退處道官逮茲累年克
庸祇德皇太后念仙遊之寢遽撫前事以興悲惻
然深矜示不終廢申崇位叙還復官庭乃詔輔臣
具依審議雖元符建號已位於中官而 永泰上
賓無嫌於並后於戲原情起義蓋示親親之恩克
已慎身宜成婦婦之道其率循於懿範以上答於
深仁往服茂恩永膺多福

蔡京降太子少保致仕制

張閣

政事所寄尤嚴誤國之誅人臣之姦莫重欺君之
罪我有常憲揚于大庭太師致仕楚國公蔡京頃
以時才久膺柄任兩冠台衡之峻三登公衮之崇
庶圖爾庸以弼予治而總東機務出入八年事寔
素於將來謀悉違於初議擅作威福妄興事功輕
爵祿以示私恩濫錫予以蠹邦用借助姻婭密布
要途聚引兇邪合成死黨以至假利民以決興化
之水託祝聖以飾臨平之山豈曰懷忠殆將微福
屢有告陳之迹每連狂悖之嫌雖僅上於印章猶

久留於里第偃蹇弗避傲睨罔懷致帝意之未孚
昭星文而申譴言章繼上公議靡容固欲用恩難
以屈法宜褫師臣之秩俾參官保之官聊慰羣情
尚爲寬典於戲天事尚象明罰所以弭灾人道惡
盈省躬所以引咎往欽善貸無重後愆

皇朝文鑑卷第三十六

皇朝文鑑卷第三十七

誥

韓通贈中書令

劉 敞

王貲授殿中侍御史

王 禹偁

登州黃縣尉東方辛可密州司士參軍

歐陽脩

任守信可通郡刺史依舊鄜延路駐泊兵

馬鈴轄

歐陽脩

前杭州司理參軍范杲可衛尉寺丞

歐陽脩

前知彰信軍節度判官褚式可太子中舍

致仕

歐陽脩

虞部員外郎呂師簡可比部員外郎

歐陽脩

潁州推官江楫可大理寺丞

歐陽脩

進納人空名海詞

歐陽脩

著作佐郎張去惑可祕書丞

歐陽脩

永興軍節度推官董士廉可著作佐郎

內殿崇班郝質可內殿承制

歐陽脩

開寶胡元並可內殿承制

歐陽脩

喬察可靜難軍節度推官知隴城縣

歐陽脩

試助教郭固可寧州軍事推官

歐陽脩

范仲溫可台州黃巖縣尉

歐陽脩

史館書直官潘宗益可梓州司戶參軍

歐陽脩

內殿崇班李允恭可內殿承制

歐陽脩

李仲昌可大理寺丞簽署渭州判官事

歐陽脩

泰州興化縣主簿朱思道可衛尉寺丞

歐陽脩

京西轉運按察使杜杞可直集賢院充廣

西轉運使

歐陽脩

河北都轉運使張昱之充天章閣待制三

司戶部副使

張方平

前秀州崇德縣尉左惟溫可連水軍錄事

參軍

劉敞

張鑄可光祿卿致仕

劉敞

無爲軍錄事參軍馬易簡可太子中舍致

仕

劉敞

龍圖閣直學士兵部郎中涇原路經略使

王素可諫議大夫

劉敞

太子中舍通判衡州張允可殿中丞

劉敞

李育可著作佐郎許林宗可大理寺丞

劉敞

皇姪右監門衛將軍克孝妻某氏可封仁

和縣君

劉敞

西京左藏庫使忠州刺史高陽關路駐泊

兵馬鈐轄時明可文思使

劉敞

宰臣富弼奏試國子四門助教王淵宰相

韓琦奏鄉貢進士李常並可試將作

監主簿

劉敞

內殿崇班唐詢可內殿承制

劉 啟

定武軍節度推官衛觀可大理寺丞常州

團練推官沈披可衛尉寺丞

劉 啟

歐陽脩可禮部侍郎宋祁可尚書左丞范

鎮可吏部郎中王疇可右司郎中宋

敏求可祠部員外郎並依舊職任

劉 啟

參知政事曾公亮可加正奉大夫進封開

國公 劉 啟

將作監林洙可司農卿

劉 啟

權郴州軍事判官楊永可右贊善大夫致

仕前岳州平江縣張正己可大理寺

丞致仕 劉 啟

韓通贈中書令

劉 啟

易姓受命王者所以徇至公臨難不苟人臣所以
明大節周故天平軍節度使檢校太尉同中書門
下平章事侍衛親軍馬步軍副都指揮使韓通定
交霸府委質前朝荷戈共歷於艱貞錫壤送分於

戎律朕以三靈曠祐百姓樂推言念元勳方疇異
渥蒼黃遇害良用憮然追升浴鳳之池式表潛龍
之舊

王贊授殿中侍御史 王 禹偁

故事御史府三院轉遷各有月限考績之命異于
他官國朝以來不用此制必因行慶方得敘遷其
間才行有聞爲衆所舉者不時而授人以爲榮具
官王贊本以懿文輔之通識自登憲署繼領詔條
繫已愛民所在稱理司漕運者奏其課執風憲者
舉其才受代南康陛見與語宜從改秩用以勸能
勉荷寵光勿渝素履

登州黃縣尉東方辛可密州司士參軍

歐陽 脩

朕以信示天下而以祿報有功今爾辛錄死事而
命于官然按察者糾失職而來有請按察吾所詔
也不從則不自信念功吾所急也不報則無所勸
焉是用易爾散秩優爾俸祿免爾吏責俾爾自安
庶幾使吾信賞並行而不失

西京左藏庫使內侍省內侍押班任守
信可遙郡刺史依舊廊延路駐泊兵馬

鈴轄

歐陽脩

國家自靈夏不賓邊隅多警議者率以謂用兵之道任將宜專恩信不久則無以得士心山川不習則不可圖勝算自兵宿于野久而無功此殆將帥數易之患也苟有能者無遽奪焉以爾其官任守信選以敏材臨于戎事肅軍捍寇宣力有聞遽以飛章自言滿歲願久親於矢石豈不念於勤勞然而士卒之樂既汝安夷狄之情惟汝孰雖欲代汝實難其人所宜旌以郡章仍臨舊部體茲委寄服我茂恩

前杭州司理參軍范袞可衛尉寺丞

歐陽脩

朕觀兩漢名臣多或出於丞史小吏非夫丞史之能出名臣也乃知古雖吏屬亦必選用賢材焉今中書丞相之職比古公府曹掾之制吏員已爲簡闕欲任其事豈不擇人故詔銓衡俾其慎選具官范袞有司來上以爾爲材進爾請丞往率乃職古人可慕無自怠焉

前知彰信軍節度判官稽式可太子中舍致仕

歐陽脩

昨按察者言爾事有迹而爾方以老自請吾屈言者不究而進爾以秩全爾之歸吾之欲成人之美而不欲成人之惡如此汝其休矣知我之仁

虞部員外郎呂師簡可比部員外郎

歐陽脩

國家嚮因寡兵特立賞格俾勸勤者逮於集事而議者皆患應募之卒雖多而難用豈夫訓練之未至將由簡閱之不精然而號令重於已行賞罰貴乎存信今有司按籍言爾當遷往服新恩其思實效

穎州推官江揖可大理寺丞

歐陽脩

朕思與多士共寧庶邦而賢豪材美之人或自沉於幽遠與夫懿節茂行之韞于中而未見於事者吾皆不得而徧觀焉故以舉類之科而爲官人之法今舉者言爾行可稱命爾新恩以期後效

進納人空名海詞

歐陽脩

官者所以治人而非以假人之器也朕閱西人之勞而欲紓其乏有出其私以佐吾之用者是亦有益於吾民俾命于官所以示勸爾其往矣服我茂

恩

著作佐郎張去惑可祕書監

歐陽脩

國家設官之法患乎巧僞干譽者之難止故考績之格三載而一例遷所以使沉實守正之人得以自進及其弊也庸人希累日之賞而賢者不能自別故又增舊法稍欲因舉類而求能者焉惟爾之材世所稱美夫累日而遷非爾志干譽而進不可爲惟思殿中務廣其業

永興軍節度推官董士廉可著作佐郎

歐陽脩

自古奇偉之士因時立功而名在竹帛者率皆不以細文常行責其備蓋於其大者人有所不能者焉惟爾少而好奇不徇小節喜從兵事思奮其材今積久錄勞蓋從請者若夫異賞待爾有爲

內殿崇班郝質可內殿承制

歐陽脩

夫被甲馳馬出而與敵周旋于原野奪旗斬馘歸而與士卒數倖獲于軍中量功較計蒙褒被寵進而受賞于朝廷此將帥之事也豈不榮且樂哉戰

之功有小大國之賞有重輕膺此茂恩更期後效

龍衛指揮使并贊拱聖指揮使胡元並

可內殿承制

歐陽脩

朕之勁兵銳將戍于邊者不可勝數惟爾能以武勇出乎其間方吾更得猛士之時吾之大臣以爾來上高爵厚祿爲爾等而設也往其勉矣吾將觀汝之能

秦州觀察使喬彛可靜難軍節度推

官知隴城縣

歐陽脩

夫吏之不能稱職者或謂數易使之然今爾嘗佐於州就臨屬縣其上下政令之便及上風民俗之所安皆所習知可以爲治將觀汝績無替其勤

試助教郭固可寧州軍事推官

歐陽脩

自邊陲用兵而天下游談之士趨時蹈利者吾非不知其盤而未始怠焉者冀必有得於其間惟爾之能乃其素學夫學有實者誥之不窮而推之可用嘉汝施設精而有條慮變適宜將觀汝用

范仲溫可台州黃巖縣尉

歐陽脩

爾弟仲淹參吾大政方欲輔朕平賞罰推至公以修紀綱而正庶位爾今所任有土與民惟過與功則有賞罰爾勤厥職可不戒哉

史館書直官潘宗益可梓州司戶參軍

歐陽脩

給事有年其勞可錄宜命以秩俾旌厥勤凡爲有司惟久則習尚安乃職以謹克終

內殿崇班李允恭可內殿承制

歐陽脩

朕惠州縣之吏不職者不能禦姦禁暴而憫吾民罹於賊盜故於捕盜之吏推賞尤厚非以爲私蓋有爲也今爾之請自陳其勞方吾以賞行勸之時惟恐不及故加爾寵非徇爾私夫古有讓功不言之賢惟爾宜慕

彰武軍節度推官李仲昌可大理寺丞

簽書判官事

歐陽脩

羣材之在下者思達其上難矣而在上者思得可用之材豈爲易哉朕頃自擇能臣使舉其類而洙以爾充薦今琦又以爲言琦洙皆能體吾勞於擇士之心者舉爾不應不愜爾然推寵吾所不疑爾

尚勉哉以稱茲舉

泰州興化縣王溥朱忠道可衛尉寺丞

歐陽脩

夫廉爲吏之一節也今保薦之法惟以受財爲同坐則待夫能吏豈盡其材爾其奮職所長思有所立不獨守夫一節而已焉

京西轉運按察使虞部員外郎杜杞可刑部員外郎直集賢院充廣西轉運使

歐陽脩

自一隅用兵而調發輸役之繁無遠不及況廣東西之路於東南尤爲遠者而吏多不良吾之疲民既有賦歛之勞而今罹盜賊之患吾一慮及爲之惻然凡與吾憂國者豈遑暇於安居哉汝爲吾往其可憐勞吾又嘉汝名臣之後好學博文尚有榮名以爲汝寵凡吾寄汝之事繁汝之材吾惟責成爾可自勉

河北都轉運使工部郎中張鼎之可兵部郎中充大章閣待制三司戶部副使

張方平

唐自開元以還王室多故行在之所不能備官而